

詩

源

辨

體

畢園之夏得先生書于揚州書客披讀之過如聞鈞天之樂
邇後人間驟晰細若習謫簡吟畫期若鴻溝古來論詩之精未
有先生者而四庫不收諸家不贊國朝詩家亦反無齒及之
者豈書之傳不傳也會有天幸耶荒江老儒窮餓者迷心血
幾結贅久必先顧我子姪實之苟有餘力天假我年當某翻
刻以廣其傳為誨教言以當是壤陽湖後學惲毓齡識

書凡前集三十六卷續集二卷都三十六卷計十卷

詳味先生自序此特論詩之語所選詩三十卷未刊論說精粹而選必開
發人不少不知編年而在人間否特恐六丁收歸天上耳會當與張先生
亦常共訪之九月二十日又識

十六卷本為先生生前所刊三十六卷本為先生後
所刊一刊于嘉慶癸丑一刊于崇禎壬申

此書端訪玉牒玉祥有志風雅者頃潛心玩味予遊姑蘓
金陵徧訪不可獲想板片已無存也
有是書者當寶而藏
之
乾隆甲辰冬十月十八日
柳洲汪棟識

詩源辯體自序

仲尼曰中庸其至矣乎民鮮能久矣後進言詩上述齊魯
下稱晚季於道爲不及昌穀諸子首推郊祀次舉饒歌於
道爲過近袁氏鍾氏出欲背古師心詭誕相尚於道爲難
予辯體之作也實有所懲云嘗謂詩有源流體有正變於
篇首旣論其要矣就過不及而揆之斯得其中獨袁氏鍾
氏之說倡而趨異厭常者不能無惑漢魏六朝體有未備
而境有未臻於法宜廣自唐而後體無弗備而境無弗臻
於法宜守論者謂漢魏不能爲三百唐人不能爲漢魏旣
不識通變之道謂我明諸公多法古人不能自創自立

此又論高而見淺志遠而識疎耳今觀夫百卉之榮也華
萼有常而觀者無厭然今之華萼非昔之華萼也使百卉
幻形而爲榮則其妖也甚矣易曰擬議以成其變化神而
明之存乎其人嗚呼安得起元瑞於地下而證予言乎夫
體製聲調詩之矩也曰詞與意貴作者自運焉竊詞與意
斯謂之襲法其體製倣其聲調未可謂之襲也今凡體製
聲調類古者謂非真詩將必俚語童言纖思詭調而反爲
真耳且二氏旣以師心爲尚矣然於學漢魏學初盛唐則
力詆毀學齊梁晚季又深喜之唐世修謂拾古人久棄之
唾餘眩今人厭常之耳目又未見其能師心也夫舉業求

售於一時而詩文定論於後世歷考宋元國初於長吉
張王蓋多有學之者而後世泯焉無聞卽今日之所尚而
他日之定論可知是書起於萬曆癸巳迄壬子凡三十年
稍成計小論若干則自三百篇至五季詩若干首畏逸張
上舍味辛顧聘君見而惜之爲予倡梓一時諸友咸樂助
之乃先梓小論七十五則時湖海諸公已有竊爲已說者
後二十年修飾者十之五增益者十之三諸家之詩旣先
以體分而又各以調相附詳其音切正其訛謬而予之精
力實盡於此茲者館甥陳君俞爲予謀梓全集而未有以
繼之昔虞仲翔言使天下有一人知己足以無恨今諸君

知我所得多於仲翔予復何恨焉倘予不卽就木庶幾復
有所遇使茲集全行則風雅永存千古是賴豈直予一人
之私德哉

崇禎五年壬申許學夷伯清更定時年七十

許伯清傳

晉陵惲應翼飛卿撰

許學夷字伯清先世汴梁人其家江陰則自宋太醫令堂始堂十四傳至其祖璨字世華有隱德生三子叔曰道字汝達以歲薦授聞喜丞廉直不能順上旨遷王官歸著綱目緒言迄於隋而卒始娶章生學閔爲諸生以孝友稱繼娶韓生君生於嘉靖癸亥君幼有高識謂三代而下學術不明嘗作三論以闢之其論舉業曰三代立賢尚矣漢舉賢良猶爲近古舉業本以明經而其流大異葩辭蔓語童習而長試之家以爲賢子國以爲良士是豈所謂經濟之學耶論

漢高帝曰世之稱高帝之賢以其能用人善從諫也予謂高帝用其力而非用其賢從於詐而不從於信僅譬之良賈知以權利爲能不知有德義可尚云論張巡許遠曰臣之事君以保民爲先故有守土以保民未有殺民以保土地者巡遠之守睢陽殺老弱三萬餘人以食士此千古憤亂世無孟軻不能正其失耳又嘗言湯武不嫌於放伐而嫌於與子使湯而傳之伊尹武王而傳之周公後世何疑焉君負氣而多傲遇貴介或稍嚴則悠悠忽忽故爲相戾嘗曰寧爲蹠不挾貴而驕寧爲丐不羞賤而諂至若四方名公物色求之則廉隅盡削歡然相得也持論旣高謂世

無足與言故每與客接常謔浪鄙穢噴焉自放間識有相
近者則議論激發風骨凜然性疎畧不治邊幅不理生產
杜門絕軌惟文史是紬嘗刪輯左傳國語國策太史諸書
手錄參訂計數百卷十年而功始畢少學詩三百篇楚騷
古今諸詩靡不探索而遡其源旣而作詩源辯體歷四十
年十二易稿業乃成其首論曰詩自三百篇以迄於唐其
源流可尋而正變可考也學者審其源流識其正變始可
與言詩矣古今說詩者無慮數百家然實悟者少疑似者
多鍾嶸述源流而恒謬高棟序正變而屢淆予甚惑焉於
是三百篇而下博訪古今作者凡若干人詩凡數千卷蒐

閱探討歷四十年統而論之以三百篇爲源漢魏六朝唐人爲流至元和而其派各出析而論之古詩以漢魏爲正太康元嘉永明爲變至梁陳而古詩盡亡律詩以初盛唐爲正大曆元和開成爲變至唐末而律詩盡敝旣代分以舉其綱復人判而理其目諸家之說實悟者引證之疑似者辯明之反覆開闔次第聯絡積九百五十六則凡十二易稿而書始成爰自三百下至五季采其撰論所及有關一代者一百六十九人并無名氏共詩四千四百七十五首以盡歷代之變名曰詩源辯體宋元 皇明別爲論次大抵君於博奕彈射諸技醫藥卜筮諸書都無所嗜卽書

法亦弗暇習曰博則弗精吾業有所專耳故其書雖論述
古人而源流正變消長盛衰闡洩詳明褒者得其髓貶者
砭其骨宏博精詣集詩學之大成學者至是而知有所歸
矣君志篤而性遲總角爲詩必經日乃得爲古必漢魏李
杜律則雅尚初盛而間入中晚耳嘗曰吾學詩乃破堅磨
鈍而成必無墮壞故至知命而詩益自超晚年栖心物外
蕭然一室牕外古石峻嶒花竹交暎中設維摩像顏曰維
摩室每風雨幽寂則明燈下帷焚香宴坐曰吾於釋氏聊
借以遣妄心非欲求生西方轉來世也嘗言儒者莫先於
窮理釋氏莊列多夸辭寓言而莊列產於中土人知其爲

夸寓釋氏起於西域人以夸寓爲真終使籠罩後世無能自脫此貪癡之患也又言三教之理判若河漢而世人強以爲同其徇實而不徇名三教之理同而世人強以爲異不惟獲罪於吾儒抑且獲罪於二教鄉里二三先輩有倡名道學者君嘗聞其說曰此是舉業緒餘耳須於身心切要喫緊救藥使人猛省懲創可也聞者歎服君不習湖海遊而湖海之士引領相慕投詩寄訊者几案常滿夫豈虛聲以相召者耶有子國瑞安貧好學年二十二而夭或以君發千古之秘造物所忌云論曰太上立德其次立功其次立言許子所爲三論蓋立言耳而詩又一藝之末烏

足以不朽哉曰常人安於故俗學者溺於所聞許子三論皆端本之要又論國風本於美刺得性情之正竝足以啓下士之聾瞽正初學之心志至其薄珪組如浮雲輕鐘鼎於瓦釜齷齪世儒卑鄙流俗而使貪夫廉懦夫立則又烏可少哉

詩源小論初刻於萬曆壬子故惲先生傳云歷二十年十易其稿又二十年將復刻而惲先生已歿今傳云歷四十年十二易稿乃所學筆也餘悉從惲先生稿更定外父言惲先生嘗云吾名當與是書共傳不朽今依陳君俞所定先刻傳付君俞不敢負惲先生初志耳館甥

陳所學百拜識

跋

嗟乎今而後學廼可釋其辜矣憶外父伯清先生
憫詩教之淪亡著有詩源辨體錄研會悟歷四十
年而書成識者謂當奏聞於

朝列之 成均爲詩學指南以貧如原先生無力謀
梓癸酉春外父知已將賦白玉樓立遺言以囑學
及外孫冠生曰詩源某許刻詩稿某許刻祇恐我
身後不能如約今以相畀知汝父子斷不負予爾
學自是日夜惶悚冀終所託奈連遭凶閔硯田無

秋兼以蝗旱頻年徵輸無辦予滋懼矣懼是書之作字字皆外父數十年心血所凝精氣所結及今不作和玉之剖剖之知復何日爰貿易遺田刻是書之半復節縮脩脯稱貸拮据以卒其業辛巳夏四月率兒子冠生寓毘陵蕭寺偕景略慕生兩先生互相較讐諸梓人忽染疫功半而侵價倍事幾墮今年夏復供梓人於本邑道房逐字較訂三閱月而工竣學自是差可無負外父之託矣若是書而外所選詩自唐邇周手錄四千四百七十五首

自宋迄明手錄六千三百六十二首俟有侯芭能
識玄草俾悉梓以行庶幾詩教亦大昭揭于中天
學日有企焉

崇禎壬午中元節館甥陳所學百拜跋

予較梓外父伯清先生詩源辨體成復思外父懿
行及各著述列諸邑乘郡志固無俟縷述但傷先
生身後有同伯道生卒年月日暨封樹地久恐弗
傳謹同志載錄左

江陰人物志云許學夷字伯清蚤謝帖拈惟文史

是耽卽絕炊忍凍纂訂不少懈冠蓋到門則避餽
遺至室則辭行若絲夷真無愧矣手輯左國史傳
諸書論詩自三百以下各有攷正著詩源辨體三
十八卷自爲詩十九卷謀梓未竟澄江詩選友人
丘念先同訂梓行又修葺家譜編刻錢忠愍事實
壽終窆君山惜無後結滄洲社令人有雜社耆英
之想

外父生嘉靖四十二年癸亥七月十四日亥時卒
崇禎六年癸酉正月十四日酉時享年七十有一

配外母鄧孺人生嘉靖四十三年甲子七月十九
日未時卒崇禎十一年戊寅二月初一日卯時享
年七十有五子一諱國瑞享年二十有二先外父
三十三年卒女四長適吳士麟次適所學次適孫
維默次適徐步外父外母俱以所歿之年合葬君
山東阜之北俯瞰大江驚鼻岡爲案外父生時自
擇地係孝廉郁元貞先生山莊先生揣知所志遂
以地許先生歿公郎六俱善繼志遂以地贈人謂
擇者許者贈者俱堪不朽

先生自詩數千體無不備先嚴外翰玄亭先生

諱永

霑選輯計詩七百六十二首嗣鉞

所學又記

詩源辯體凡例

共二十七條

改定本

一此編以辯體爲名。非辯意也。辯意則近理學矣。故十九首。何不策高足。燕趙多佳人。等。莫非詩祖。而唐太宗帝京篇等。反不免爲綺靡矣。知此。則可以觀是書。一辯體中。論三百篇。楚辭。漢魏六朝。唐人詩。先舉其綱。次理其目。每卷多者七十餘則。少者二三則。然每則各具一旨。皆積久悟入而得。竝未嘗有雷同重複者。學者以神合神。當一一領會。否則但見其冗雜繁蕪。而於精心獨得。次第聯絡之妙。漠然其不相入矣。今總計九百五十六則。懼後人刪削耳。

一辯體中數語有十數見者。皆承上起下之詞。或爲各卷中綱領關鍵。非贅語也。殷中軍初視維摩詰經。疑般若波羅蜜太多。當作三藐三菩後見小品。恨此語少。觀者宜各領畧。

一辯體中論漢魏詩。先總而後分。論初盛中唐詩。先分而後總者。蓋漢魏詩體渾淪。別無蹊徑。然要其終。亦不免有異。故先總而後分。至唐人。則蹊徑稍殊。體裁各別。然要其歸。則又無不同。故先分而後總。若李杜則皆入於神。韋柳則並稱沖淡。故亦先總而後分。至元和晚唐。則其派各出。厥體甚殊。故但分而不總也。

元仲晚唐雖有總論而非論其同也

一辯體中論漢魏六朝詩不言才力造詣者。漢魏雖有才而不露其才。六朝非無才而雕刻綺靡又不足以騁其才。漢魏出於天成。本無造詣。而六朝雕刻綺靡又不足以言造詣。故必至王楊盧駱始言才力。至沈宋始言造詣。至盛唐諸公始言興趣耳。初唐非無興趣至盛唐而實足

一辯體中論諸家詩或稱名或稱字各從其最著者。若諸家論詩或官名或別號或地名而并隱其姓氏非所以便後學也。

一諸家說詩多采竊舊聞混爲已說最爲可鄙。予此書凡所引說必明標姓字。或文氣相疑卽以小註明之。庶無主客之嫌。後他書或與是書同者當以是書爲本。

一此編辯體小論四十年十二易稿始成。或夜卧有得卽起書之。無燭曉起書之。老病後不能手書命姪輩代書。

一此編漢魏六朝初盛中晚唐詩。惟錄其姓氏顯著撰論所及有關一代者。意欲學者熟讀淹貫源流易明。不欲其總雜無倫。浩瀚難測耳。然漢魏名家篇什甚

少。而六朝唐人篇什始多。故漢魏名家。或一篇兩篇者。錄之。而六朝唐人多至什百矣。

一此編以辨體爲主。與選詩不同。故漢魏六朝初盛中晚唐盛衰懸絕。今各錄其時體。以識其變。其品第則於論中詳之。

一此編凡漢魏六朝五七言。不名古詩者。漢魏六朝初未有律。故不必名爲古也。五七言四句。不名絕句者。漢魏六朝初未有絕句之名。唐律而後。方有是名耳。故漢魏而下。止名五言七言。而以四句各次其後。陳杜沈宋而後。始分古律。而各以絕句次律詩後也。

一此編。漢魏六朝詩。悉從詩紀纂錄。唐人而下。各從本集。采取如品彙所選。極博。而於元和以後。多失本相。不足以定論也。

一此編所錄。如趙壹。徐幹。陳琳。阮瑀。五言。栢梁聯句。及陸機。謝靈運。謝惠連。七言。梁簡文。庾信。隋煬帝。杜審言。七言八句。鮑照。劉孝威。梁簡文。庾信。江總。隋煬帝。及王盧駱。七言四句。沈君攸。七言長句。非必盡佳。蓋徐陳諸子。旣在七子之列。故五言稍能成篇。亦在不棄。栢梁爲七言之始。晉宋間。七言益少。存陸謝以繼七言之派。梁簡文。庾信諸子。乃七言律之始。鮑照。劉

孝威諸子。乃七言絕之始。君攸聲亦漸入於律。故皆不可缺耳。

一諸家纂詩。樂府在詩之前。而予此編。樂府次詩之後者。蓋漢人古詩。實承國風。而曹陸以下之詩。實承古詩。至於樂府。則體制不同。故不得不先詩而後樂府。永明而下。梁武而外。始混錄之者。于時樂府與詩。實無少異。不必分錄矣。

一此編鮑照。謝朓。沈約。王融。古詩漸入律體者。錄之高適。孟浩然。李頎。儲光義。古詩雜用律體者。不錄。蓋鮑照諸公。當變律之時。錄之以識其變。高適諸公。當復

古之後。

謂復古聲非復古體也。

黜之以塞其流。

一此編凡六朝唐人擬古等作。不錄。蓋此編以辯體爲

主。擬古不足以辯諸家之體也。何晏陶淵明擬古。則

錄之者。何陶借名擬古。而實非擬古也。

說見淵明論中。

一此編唐人詩。惟李杜高岑王維錢劉韓白諸體備錄。

餘則各錄其所長。晚唐七言絕爲勝。卽一二可采者。

亦錄之。

一此編或疑元和諸子纂錄過多。不免變浮於正。然此

編以辯體爲主。元和諸子。一一自立門戶。旣未可缺

其篇什。恒數倍於初盛。則又不可少。正欲學者窮極

其變始知反正耳。

一唐人諸體編次先五言古次七言古次五言律次五言排律次七言律次五言絕次七言絕初唐太宗虞魏及王楊盧駱五言八句與長篇混錄又先於七言古者蓋于時五言古律混淆未可定指爲律也。

一此編所錄諸家詩既先以五七言古律絕分次而於諸體又各以體製音調類從註見諸家各體前其有未註者當以類推。

一此編諸家怪惡之句既引入論中而全篇有鄙拙及僞撰者則雙行附見學者苟能一一分別自然悟入。

一此編唐人惟六言及七言排律不錄。非正體也。

一詩中訛字。選校者見諸本皆同。莫敢致疑。終誤千古。今亦不敢遽改。但於某句下註誤。於某字下註疑。作某字。更俟博識者定之。其不能一一揣摩者。姑缺。一此編音切正誤。惟三百篇楚辭漢魏最詳。而唐以後稍畧者。蓋難字訛韻。誤書前既詳明。後自不容贅。又世俗訛韻。自唐已有之。如盡字似字。斷字。本上聲。而岑嘉州作去聲。轉字。本去聲。而王摩詰作上聲。墮字。本上聲。而韓退之作去聲。祿字。本音某。而元次山作姆音。婦。本音阜。而白樂天作務音。則音韻之訛。其來已

久但押韻必不可誤故復詳之

一此編難字訛韻舊已音註詳明筆畫誤書則自六十七六十八始正苟十得其八亦足爲此編一助但病後手顫不能多書丘心怡錄本先後次序尤當今惟於丘本詳之刻時當取證也

一此編或言宜圈點以示後學予謂漢魏古詩盛唐律詩氣象渾淪難以句摘元嘉開成而後始多佳句就其境界漢魏盛唐渾淪處止宜每句一圈而六朝晚唐佳句不容不多圈矣恐後學不知將謂六朝勝於

漢魏晚唐勝於盛唐也

與盛唐總論第二十一則參看

一此編分次周詩及楚辭爲一本。漢魏爲一本。六朝本

宜一本。但篇什較多。今以晉宋齊爲一本。謝朓沈約

存者。文選錄詩。亦止於齊永明。梁陳隋爲一本。初唐爲一本。盛唐諸

公爲一本。李杜爲一本。中唐諸公。至李益。權德輿。爲

一本。元和本宜一本。而篇什亦多。今以韋柳至盧仝。

劉叉。馬異爲一本。張籍。王建。至施肩吾爲一本。晚唐

五代爲一本。總論及後集纂要爲一本。共三十八卷

爲十二本。皆以類相從。便於觀覽。或必以多寡相配

而均分之。則書肆所爲。不得詩體之趣矣。

詩源辯體世次

改定本

江陰許學夷伯清編次

辯體起於三百篇楚辭而世次獨缺者蓋三百篇多
無名氏且諸國不一難以分次楚辭偏屬於楚故亦
無次焉

西漢

高帝

都關中即今陝西西安府 在位十二年元年乙未

四皓

高帝

項籍

惠帝

高帝太子 在位七年元年丁未

高后

高帝后 僭位八年元年甲寅

文帝

高帝中子

前十六年元年壬戌

後七年

韋孟

景帝

文帝太子三年

前七年元年乙酉

中六年

後

無名氏

古詩十九首中有枚乘之詩故依昭明編次在李陵前餘十一篇以類附焉

武帝

景帝太子

建元六年辛丑

元光六年

元朔

漢四

太始四

征和四

後元二

太初四

天

武帝

武帝羣臣聯句

無名氏

武帝郊祀

小山

卓文君

李陵

蘇武

昭帝

武帝少子

始元六年乙未

元鳳六年

元平

昭帝

宣帝

衛太子孫 本始四元年戊申 地節四 元康

元帝

宣帝太子 初元五元年癸酉 永光五 建昭

韋元成

成帝

元帝太子 建始四元年巳丑 河平四 陽朔

班婕妤

哀帝

定陶王子元帝庶孫 建平四元年乙卯、元壽

平帝

中山王子元帝庶孫 元始五元年辛酉

孺子嬰

廣威侯子宣帝玄孫 居攝二元年丙寅 初

淮陽王

春陵侯曾孫 更始二元年癸未

東漢

詩源辨體

世次

二

定本

光武

都雒陽卽今河南河南府景帝子長沙王五世孫
建武三十一年乙酉中元二

馬援

明帝

光武太子永平十八元年戊午

章帝

明帝太子建初八元年丙子
元和三章和二

傅毅

班固

和帝

章帝太子永元十六元年己丑
元興一

殤帝

和帝少子延平一元年丙午

安帝

章帝子清河王之子永初七元年丁未
元初六永寧一建光一延光四

順帝

安帝太子永建六元年丙寅
陽嘉四永和六漢安二建康一

張衡

冲帝

順帝太弟

永嘉一乙酉

質帝

渤海王子章帝曾孫

本初一丙戌

桓帝

章帝曾孫

建和三元年丁亥

和平一

元嘉

靈帝

章帝曾孫

建寧四元年戊申

熹平六

光和

靈帝

高彪

趙壹

酈炎

獻帝

靈帝中子

初平四元年庚午

興平二

建安

孔融

秦嘉

蔡琰

無名氏

樂府五言

無名氏

樂府雜言

言皆漢人詩故附於漢末

魏

詩宗漢魏故以魏承漢嫌

武帝

文帝

甄后

曹植

劉楨

王粲

徐幹

陳琳

阮瑀

應瑒

繁欽

右自曹植至應瑒稱建安七子

按曹植至應瑒雖稱建安七子

而實為魏人今欲係之建安則魏為無人欲係之黃初則諸子實多卒於建安乃并武帝文帝

甄后繁欽皆係之魏而文帝之年則書於後云

文帝

都維陽武帝太子黃初七元年底子即漢建安二十五年

吳質

繆襲

明帝

文帝太子太和六元年丁未青龍四景初三

明帝

應璩

齊王

明帝太子正始九元年庚申嘉平五

嵇康

阮籍

何晏

嵇喜

右諸子爲正始體

按嵇阮詩。諸家多係之晉。然其詩稱正始體。又皆卒於景

元故係之魏

高貴鄉公

東海王子。文帝長孫。甘露四。正元二。元年甲戌。

陳留王

燕王子。武帝孫。景元四。元年庚辰。咸熙

西晉

武帝

都維陽。泰始十。元年乙酉。卽魏咸熙二年。咸寧五。太康十一。

陸機

潘岳

張協

左思

張華

潘尼

陸雲

張載

右諸子爲太康體

詩源辨體

世次

四

子夫

定不

惠帝

武帝太子 永熙一庚戌卽太康十一年 元康九 永康一 永寧一 太安二 永興二 光

熙一

懷帝

武帝第二十五子 永嘉六元年丁卯

愍帝

吳王子武帝孫 建興四元年癸酉

劉琨

東晉

元帝

都建康卽今南直隸應天府瑯邪王子宣帝曾孫 建武一丁丑 太興四 永昌一

郭璞

明帝

元帝長子 太寧三元年癸未

成帝

明帝長子 咸和九元年丙戌 咸康八

康帝

成帝弟

建元二元年癸卯

穆帝

康帝太子

永和十二元年乙巳

升平五

哀帝

成帝長子

隆和一元年壬戌

興寧三

廢帝

哀帝弟

太和五元年丙寅

簡文帝

元帝少子

咸安二元年辛未

孝武帝

簡文帝第三子

寧康三元年癸酉

太元二

安帝

孝武帝太子

隆安五元年丁酉

元興三

義

恭帝

安帝弟

元熙二元年己未

無名氏

自符舞歌此晉人詩附於晉末

陶淵明

淵明別爲一卷故次於無名氏後

宋

詩源辨體

世次

五

定本

武帝

都建康

永初三元年庚申即晉元熙二年

少帝

武帝太子

景平二元年癸亥

文帝

武帝第三子

元嘉三十元年甲子即景平二年

謝靈運

顏延之

謝瞻

謝惠連

右諸子爲元嘉體

孝武帝

文帝第三子

孝建三元年甲午

大明八

鮑照

子業

孝武帝太子

景和一元年乙巳

明帝

預一

文帝第十一子

泰始七元年即景和元年泰

蒼梧王

明帝長子

元徽四元年癸丑

順帝 明帝第三子 昇明三年丁巳

齊

高帝 都建康 建元四元年己未即宋昇明三年

江淹

武帝 高帝長子 永明十一年癸亥

謝朓

沈約

王融

右三子為永明體 辯體編詩與史氏不同史氏必體則以其詩體實合其朝為某朝人如江淹沈約雖終仕於齊而王謝之年實幼故江詩多宋齊間作而聲猶未入律沈謝在永明間始多入律王則入律愈多矣諸家編詩以王謝係齊而以江沈係梁則詩體混亂不足以證其先後也南史明載永明中王

詩源辭體

卷廿次

本

定公

融謝朓沈約始用
四聲以爲新變

昭業

武帝太孫 隆昌一冬西

昭文

昭業弟 延興一卽隆昌元年

明帝

高帝兄始安王之子 建武四元年甲戌卽延興元年 永泰一

東昏侯

明帝第三子 永元二元年巳卯

和帝

明帝第八子 中興二元年辛巳

梁

武帝

都建康 天監十八元年壬午卽齊中興二年 大通二 中大通六 大同十一 中 大同一 太清三

武帝

范雲

何遜

劉孝綽

劉孝威

吳均

王筠

柳惲

簡文帝

武帝第三子

大寶二元年庚午

簡文帝

庾肩吾

陰鏗

沈君攸

元帝

武帝第七子

承聖三元年壬申

敬帝

元帝第九子

紹泰一乙亥

太平二

陳

武帝

都建康

永定三元年丁丑卽梁太平二年

文帝

武帝兄始興王長子

天嘉六元年庚辰

天康

徐陵

庾信

北周

王褒

北周

張正見

廢帝

文帝太子

光大二元年丁亥

宣帝 始興王第二子 太建十四元年己丑

後主 宣帝太子 至德四元年癸卯 禎明二

後主 江總

隋

文帝 都陝西 仁壽四 開皇二十元年辛丑 開皇九年滅陳

盧思道 李德林 薛道衡

煬帝 文帝第二子 大業十三年乙丑

煬帝

恭帝侑 文帝孫 義寧二元年丁丑 卽大業十三年

恭帝侗 越王 皇泰二元年戊寅 卽義寧二年

無名氏

樂府五言四句皆六朝人詩故附於六朝之末

唐

高祖

都陝西元年

武德九年年戊寅卽隋義寧二年皇泰

太宗

高祖次子

貞觀二十三年丁亥

太宗

虞世南

魏徵

高宗

太宗第九子

永徽六年年庚戌

顯慶五 龍

上元二

麟德二 儀鳳三

乾封二 總章二

咸亨四 永隆一 開羅一

王勃

楊炯

盧照隣

駱賓王

武后

高宗后

僭號二十一年元年甲申

中宗

高宗太子

神龍二元年乙巳

景龍四

陳子昂

杜審言

沈佺期

宋之問

薛稷

張說

蘇頌

李嶠

張九齡

右自武德至景龍爲初唐

睿宗

中宗弟一

景雲二元年庚戌卽景龍四年

太極

玄宗

睿宗第三子二十九

先天一壬子卽太極元年

開元

高適

岑參

王維

孟浩然

李頎

崔顥

祖詠

王昌齡

儲光羲

常建

盧象

元結

李白

杜甫

先高岑諸公而後李杜者由堂而入室也

肅宗

玄宗太子 至德二元載丙申即天寶十五載
乾元二元年復以載為年 上元二 寶應二

右自開元至寶應為盛唐

代宗

肅宗太子 廣德二元年癸卯 永泰一 大曆
十四

劉長卿

錢起

郎士元

皇甫冉

皇甫曾

李嘉祐

司空曙

盧綸

韓翃

李端

耿湜

崔峒

德宗

代宗長子 建中四元年庚申 興元一 貞元
二十一

李益

權德輿

韋應物

應物上當開寶下
及元和編詩者多

係之大曆辯體以韋柳同
論詩亦相聯故係於此

順宗

德宗太子 永貞一乙酉即貞元二十一年

詩源辯體

世次

九

定本

憲宗

順宗太子 元和十五年丙戌

柳宗元

韓愈

孟郊

賈島

姚合

周賀

李賀

盧仝

劉叉

馬異

張籍

王建

白居易

元稹

劉禹錫

張祜

施肩吾

中自韓愈至元稹
十三子爲元和體

穆宗

憲宗太子 長慶四元年辛丑

敬宗

穆宗太子 寶曆二元年乙巳

右自大曆至寶曆爲中唐

文宗

穆宗第二子 太和九元年丁未 開成五

許渾

杜牧

李商隱

溫庭筠

曹唐

武宗

穆宗第五子 會昌六元年辛酉

宣宗

憲宗第十三子 大中十三元年丁卯

馬戴

于武陵

劉滄

趙嘏

李郢

薛逢

懿宗

宣宗太子 咸通十四元年庚辰

僖宗

懿宗太子 乾符六元年甲午 廣明一 中和

昭宗

懿宗第七子 龍紀一巳酉 大順二 景福二

吳融

韋莊

鄭谷

韓偓

李山甫

羅隱

哀帝

昭宗第九子

元年乙丑在位三年仍稱天祐

右自開成至天祐爲晚唐

後梁

太祖

都汴卽今河南

開平四元年丁卯

乾化二

末帝

太祖第三子

元年癸酉卽位二年仍稱乾化

後唐

莊宗

都汴 同光四元年癸未卽梁龍德三年

明宗

莊宗父克用養子

年長興四 天成四元年丙戌卽同光四

閔帝

朱王 應順一甲午

廢帝

明宗養子

清泰三元年卽應順元年

後晉

高祖

都汴

天福七元年丙申卽唐清泰三年

齊王

高祖兄子
運三

卽位一年癸卯仍稱天福八年 開

後漢

高祖

都汴卽位一年丁未仍稱晉天福十二年六月改

隱帝

號漢明
高祖太子
在位二年元年戊申仍稱乾祐

後周

太祖

都汴

廣順三元年辛亥

顯德一

世宗

太祖后兄之子太祖養子
仍稱顯德
在位五年元年乙卯

恭帝

世宗太子

在位一年庚申。仍稱顯德七年。

張泌

南唐

李建勳

南唐

伍喬

南唐

花蕊夫人

孟蜀

右四人或仕南唐。或嬪孟蜀。今總係於五代之末。

詩源辯體卷之一 周

改定本

江陰許學夷伯清 著

館甥陳所學君俞校梓

外孫陳冠生元夫 閱

詩自三百篇以迄於唐其源流可尋而正變可考也學者審其源流識其正變始可與言詩矣古今說詩者無慮數百家然實悟者少疑似者多鍾嶸述源流而恒謬高棅序正變而屢淆予甚惑焉於是三百篇而下博訪古今作者凡若干人詩凡數千卷蒐閱探討歷四十年統而論之以三百篇爲源漢魏六朝唐人爲流至元和

而其派各出。析而論之。古詩以漢魏爲正。太康元嘉永明爲變。至梁陳而古詩盡亡。律詩以初盛唐爲正。大曆元和開成爲變。至唐末而律詩盡敝。旣代分以舉其綱。復人判而理其目。諸家之說。實悟者引證之。疑似者辯明之。反覆開闔。次第聯絡。積九百五十六則。凡十二易稿而書始成。爰自三百下至五季。采其撰論所及。有關一代之者。一百六十九人。并無名氏共詩四千四百七十四首。以盡歷代之變。名曰詩源辯體。宋元皇明別爲論次。孟子曰。予豈好辯哉。予不得已也。後之學者。於此而詳覈焉。庶幾弗我罪耳。

三百篇有六義曰風雅頌賦比興風雅頌爲三經賦比興爲三緯風者王畿列國之詩美刺風化者也雅頌者朝廷宗廟之詩推原王業形容盛德者也故風則比興爲多雅頌則賦體爲衆風則微婉而自然雅頌則齋莊而嚴密風則專發乎性情而雅頌則兼主乎義理此詩之源也徐昌穀云卿雲江水開雅頌之源烝民麥秀建國風之始語雖不謬但古今說詩者以三百篇爲首固當以三百篇爲源耳

此一則總論三百篇爲詩之源

周南召南文王之化行而詩人美之故爲正風自邶而下國之治亂不同而詩人刺之故爲變風是風雖有正變

而性情則無不正也。孔子曰：詩三百，一言以蔽之，曰思

無邪。言皆出乎性情之正耳。以下二十則總論國風之詩

風人之詩，既出乎性情之正，而復得於聲氣之和，故其言

微婉而敦厚，優柔而不迫，為萬古詩人之經。朱子說關雎云：獨其

聲氣之和，有不可得而聞者，蓋指樂而言。予謂樂之聲氣，本乎詩詩之聲氣，得矣。於樂有不聞可也。世之

習舉業者，牽於義理，狃於穿鑿，於風人性情聲氣了不

可見，而詩之真趣泯矣。正風如關雎、葛覃、卷耳、汝墳、草

蟲、殷其雷、小星、何彼穠矣等篇，自不必言。變風如栢舟、

綠衣、燕燕、擊鼓、凱風、谷風、式微、旄丘、泉水、氓、竹竿、伯兮、

君子于役、葛生、兼葭、九罇等篇，亦皆哀而不傷，怨而不

怒。學者苟能心氣和平。熟讀涵泳。未有不惻然而感。惕然而動者。於此而終無所得。則是真識迷謬。性靈枯亡。而於後世之詩。亦無從悟入矣。

風人之詩。不特性情聲氣爲萬古詩人之經。而託物興寄。

體製玲瓏。實爲漢魏五言之則。其比興者。固爲託物。其賦體亦多託物。如葛覃。

之黃鳥。淮木汝墳之條枚。至其分章變法。種種不一。或

條肄皆賦體之託物也。

章一法。後二章一法。而小異如關雎之類。或前二章一

法。小異後一章一法。如葛覃之類。或首章一法。中二章

一法。後一章小異。如卷耳之類。而文采備美。一皆本乎天成。大都隨語

成韻。隨韻成趣。華藻自然。不假雕飾。退之謂詩正而葩。

蓋託物引類。則葩藻自生。非用意爲之也。

蓋託物引類。則葩藻自生。非用意爲之也。

風人之詩。不特爲漢魏五言之則。亦爲後世騷賦樂府之宗。如緇衣。狡童。還東方之曰。猗嗟。十畝之間。伐檀。月出等篇。全篇皆用兮字。乃騷體之所自出也。如君子偕老。碩人。大叔于田。小戎等篇。敷敘聯絡。則賦體之所自出也。如陟彼崔嵬。我馬虺隤。我姑酌彼金罍。維以不永懷。陟彼高岡。我馬玄黃。我姑酌彼兕觥。維以不永傷。山有漆。隰有栗。子有酒食。何不日鼓瑟。且以喜樂。且以永日。寃其死矣。他人入室。其句法音調。又樂府雜言之所自出也。今人但知騷賦樂府起於楚漢。而忘其所自出。何哉。

詩與文章不同。文顯而直。詩幽而隱。風人之詩。不落言筌。

意在言外。山而隱也。風人有寄意於詠歎之餘者。關雎。漢廣。

麟之趾。何彼穠矣。騶虞。簡兮。緇衣。兼葭。是也。有意全隱。

而不露者。凱風。匏有苦葉。碩人。河廣。清人。載驅。猗嗟。株

林。隰有萋楚。蜉蝣。是也。有反言以見意者。陟岵。是也。說見

於後有似怨而實否者。載馳。是也。有似疑而實信者。二子

乘舟。是也。有似好而實惡者。狡童。是也。有似嘲而實譽

者。簡兮。是也。朱子以爲賢者仕於伶官而作若自譽而實自嘲予則以爲詩人之作似嘲而實譽

也有似諛而實刺者。新臺。是也。此皆所謂不落言筌者

也。孟子謂以意逆志。得之。詩雖以不落言筌爲尚。然唐人又以氣格爲主。故與論國

風漢魏不同說見
唐論及晚唐絕句

嚴滄浪云論詩如論禪。禪道惟在妙悟。詩道亦在妙悟。此
本謂學詩者當悟。然自三百篇至唐。讀者尤宜悟也。今
人既昧於詩。復昧於禪。不落言筌。詩與禪通論也。風人
之詩。多詩人託爲其言。以寄美刺。而實非其人自作。至
如汝墳。草蟲。靜女。桑中。載馳。氓。丘中有麻。女曰雞鳴。丰
潦。洧。雞鳴。綢繆。等篇。又皆詩人極意摹擬爲之。說詩者
以風皆爲自作。語皆爲實際。何異論禪者以經盡爲佛
說。事悉爲真境乎。唐張繼詩。夜半鐘聲到客船。宋人以
夜半無鐘聲。紛紛聚訟。胡元瑞云。無論夜半是非。卽鐘

聲聞否。未可知也。此足以破語皆實際之惑。不惟悟詩。

且悟禪矣。

唐傳奕云。佛入中國。其後模象老莊。以文飾之。朱子亦言。佛說盡出老莊。朱子早年洞究。

釋典。故能得其要領。貪癡者則抵死不悟。

楊用修云。三百篇皆約情合性而歸之道德。然未嘗有道。

德性情句也。二南者。修身齊家其旨也。然其言琴瑟鐘。

鼓。荇菜。芣苢。天桃。穠李。何嘗有修身齊家字。皆意在言。

外。使人自悟。愚按此論。不惟得風人之體。救經生之弊。

且足以祛後世以文爲詩之惑。惟首句約情合性四字。

本乎大序發乎情。止乎禮義之說。爲未妥。大序。非子夏。

作也。

趙凡夫云。詩多曲而通。微而著。復有音節之可娛。聽之無不與感。予嘗謂國風妙在語言之外。音節之中。與凡夫之說異而同。

趙凡夫云。詩主含蓄。不露言盡則文也。非詩也。愚按風人之詩。含蓄固其本體。若谷風與氓。懇款竭誠。委曲備至。則又無不佳。其所以與文異者。正在微婉優柔。反覆動人也。

趙凡夫云。讀詩者。字字能解。猶然一字未解也。或未必盡解。已能了然矣。此語妙絕。亦足論禪。今之爲經生者。於國風搜剔字義。貫串章旨。正所謂字字能解。一字未解。

也。

風人之詩。詩家與聖門。其說稍異。聖門論得失。詩家論體製。至論性情聲氣。則詩家與聖門同也。若搜剔字義。貫穿章旨。不惟與詩家大異。亦與聖門不合矣。

風人之詩。其性情聲氣。體製文采音節。靡不兼善。今畧摘

數章以見。如關關雎鳩。在河之洲。窈窕淑女。君子好逑。葛之覃兮。施于中谷。維葉萋萋。黃鳥于飛。集于灌木。其鳴喈喈。遵彼汝墳。伐其條枚。未見君子。惄如調飢。遵彼汝墳。伐其條肄。既見君子。不我遐棄。被之僮僮。風夜在公。被之祁祁。薄言還歸。嘒嘒草蟲。趯趯阜

螽。未見君子。憂心忡忡。亦旣見止。亦旣覯止。我心則降。
嘒彼小星。三五在東。蕭蕭宵征。夙夜在公。寔命不同。
嘒彼小星。維參與昴。蕭蕭宵征。抱衾與裯。寔命不猶。
日居月諸。胡迭而微。心之憂矣。如匪澣衣。靜言思之。
不能奮飛。燕燕于飛。差池其羽。之子于歸。遠送于野。
瞻望弗及。泣涕如雨。燕燕于飛。下上其音。之子于歸。
遠送于南。瞻望弗及。實勞我心。覲睨黃鳥。載好其音。
有子七人。莫慰母心。式微式微。胡不歸。微君之故。胡
爲乎中露。式微式微。胡不歸。微君之躬。胡爲乎泥中。
狐裘蒙戎。匪車不東。叔兮伯兮。靡所與同。 瓊兮鹿兮

兮。流離之子。叔兮伯兮。褻如充耳。淇水悠悠。檜楫松
舟。駕言出遊。以寫我憂。大車檻檻。毳衣如旄。豈不爾
思。畏子不敢。大車哼哼。毳衣如璫。豈不爾思。畏子不
奔。弋言加之。與子宜之。宜言飲酒。與子偕老。琴瑟在
御。莫不靜好。山有樞隰有榆。子有衣裳。弗曳弗婁。子
有車馬。弗馳弗驅。宛其死矣。他人是愉。山有栲。隰有
杻。子有廷內。弗洒弗埽。子有鐘鼓。弗鼓弗考。宛其死矣
他人是保。遊于北園。四馬既閑。輶車鸞鑣。載儉歌驕。
蒹葭蒼蒼。白露爲霜。所謂伊人。在水一方。溯洄從之。
道阻且長。溯游從之。宛在水中央。駕我乘馬。說于株

野乘我乘駒。朝食于株。誰能烹魚。漑之金鸞。誰將西

歸懷之好音。鴻飛遵渚。公歸無所。於女信處。鴻飛

遵陸。公歸不復。於女信宿。等章其性情。聲氣無論。至

其體製玲瓏。文采備美。音節圓暢。具可繁見。若谷風與

眠。則又未可以章句摘也。已上十二則論國風詩體詩趣學者得其體趣斯可與論

漢魏唐人矣

風人之詩。雖正變不同。而皆出乎性情之正。按小序正義

說詩。沈重云小序是子夏毛公合作。上商意有不盡毛更足成之。或云小序是衛宏作。按大毛公名亨小

毛公名萇。漢武時人。衛宏字敬仲。後漢人。唐孔穎達作正義。其說宗小序。其詞有美刺者。既

為詩人之美刺矣。其詞如懷感者。亦為詩人託其言以

寄美刺焉。

正風如懷感者。小序雖未嘗明說爲詩人之美。而孔氏演序義。則明說爲詩人之美也。變

風如懷感者。小序已明說爲詩人之刺矣。

朱子說詩。其詞有美刺者。則亦爲

美刺矣。其詞如懷感者。則爲其人之自作也。

北宋諸公已有此說。

予謂正風而自作者。猶出乎性情之正。聞之者尚足以

感發變風而自作者。斯出乎性情之不正。聞之者安足

以懲創乎。司馬子長云。古者詩三千餘篇。及至孔子去

其重。取其可施於禮義三百五篇。孔子皆絃歌之。以求

合韶武雅頌之音。蓋三千篇未必皆出乎正。而三百篇

則無不正也。或謂變風如懷感者。乃秦火散失之後。世

儒附會。以逸詩足三百之數。蓋惑於朱註。疑其出乎性

情之不正而未詳乎小序正義之說耳。漢書藝文志云三百五篇遭秦而全者以其諷誦不獨在竹帛故也。

小序正義說詩。漢唐諸儒無不宗之。其國風詞如懷感者爲詩人託其言以寄美刺。則旣得乎性情之正。且足以見詩人敦厚之風。姜白石謂美刺箴怨皆無跡。是也。但其他多依附史傳。牽合時代。味其詞實多不類。朱子因小序爲辯說。最是有見。然於變風如懷感者。必欲爲其人之自作。則當時諸儒亦有不相信者。按孔子曰。詩三百一言以蔽之。曰思無邪。其旨甚顯。其語甚明。朱子則曰。凡詩之言善者可以感發人之善心。惡者可以懲創

人之逸志其用歸於使人得其性情之正而已。是三百篇不能無邪。而讀之者乃無邪也。豈孔子之意耶。又云。夫子之於鄭衛深絕其聲於樂。以爲法。而嚴立其詞於詩。以爲戒。如聖人固不語亂。而春秋所記無非亂臣賊子之事。信如此說。是詩兼春秋之法者也。孔子曰。興於詩。又曰。詩可以興。則詩與春秋其用不同矣。詩不可以兼史。楊用修旣嘗辨之。見杜詩論中顧可以兼春秋乎。朱子

乃云。詩本性情。有邪有正。而吟詠之間。抑揚反覆。故學者之初。所以興起其好善惡惡之心。而不能自己者。必於此而得之。今試舉陳隋妖艷之詩。奏之於初學小子。

之前。吾恐不足以興。適足以相誘耳。

朱子云。學者於詩。須先去了小序。只將本文熟讀玩味。仍不可先看諸家註解。看得久之。自然認得此詩是說個甚事。此謂說詩當順其文氣之自然耳。予謂小序依附史傳。牽合時代。固當以此正其謬妄。若變風如懷感者。必欲順其文氣而爲其人之自作。寧不甚害於理耶。且旣謂說詩當順文氣。而於孔子思無邪。興於詩。二語反不當順其文氣。而顧強爲之說耶。又云。詩之爲刺。固有不加一詞而意自見者。清人猗嗟之屬。是已然詞意之間。猶有賓主之分。豈有將欲刺人。乃反自爲彼人之言。

以陷其身於所刺之中哉。予謂必其詞有賓主之分。乃得爲刺。則東山之詩。亦當爲歸士之自作。而小雅四牡采薇。亦不得爲勞使臣遣戍役之詩矣。且託其言以寄刺。又曷爲陷其身於所刺之中哉。如今人言忠孝淫奔之事。皆述其事。述其言。不必有美刺之詞。而美刺在其中。馬端臨文獻通考云。孔子曰。詩三百。一言以蔽之。曰思無邪。則以其詞之不能不隣乎邪也。使篇篇如文王大明。則奚邪之可閑乎。此語尤足省發。

變風之詩。朱子指爲刺淫者十篇。匏有苦葉。新臺。牆有茨。鶉之奔奔。蝦蟆。出其東門。南山。敝笱。載驅。株林。是也。考

之小序正義惟出其東門爲閔亂而作餘皆同也朱子

指爲淫奔自作者二十九篇靜女桑中氓有狐木瓜采

芣大車丘中有麻將仲子遵大路有女同車山有扶蘇

薺兮狡童褰裳丰東門之墀風雨子衿揚之水野有蔓

草溱洧東方之日東門之枌東門之池東門之揚防有

鵲巢月出澤陂是也考之小序正義惟桑中氓大車丰

東門之墀溱洧東方之日東門之枌東門之楊毛詩作楊月

出澤陂爲刺淫之詩其他皆爲別事而作初非關乎淫

汙也嘗觀左傳鄭伯如晉子展賦將仲子賦謂歌詠之鄭六

卿餞韓宣子子鹺賦野有蔓草子產賦羔裘子太叔賦

野有蔓草

寒裳子游賦風雨。子旗賦有女同車。子柳賦擇兮。皆鄭風也。如果關乎淫佚。諸卿皆賢。其肯彰國之惡乎。若曰賦詩斷章。則諸卿所賦。乃全詩。非斷章也。借曰斷章。當時之詩。誰不知之。顧可以已國淫佚之詩。斷章歌詠於他國。君相之前乎。鄭伯享趙孟於垂隴。伯有賦鶉之賁。賁。同。趙孟曰。牀第之言。不踰闕。況在野乎。非使臣之所得聞也。伯有所賦。衛風也。而趙孟猶譏之。况鄭風乎。故小序正義說詩。雖多有不類者。若變風桑中等篇。爲詩人託其言以寄刺。而桑中諸篇而外。又未必爲刺淫。則得之矣。然詳味諸詩。靜女。出其東門。亦當爲刺淫。而澤

陂則當爲別事而作也。其他尚俟博識者定之。

朱子於變風如懷感者。必欲爲其人之自作。然桑中云。美孟姜矣。又云。美孟弋矣。美孟庸矣。丘中有麻云。彼留子嗟。又云。彼留子國。是一時而期會數人也。有是理乎。且澤陂云。有美一人。碩大且儼。是豈可指淫奔之人耶。又溱洧明述士女問答相謔。而朱子亦云。此淫奔者自敘之詞。其執拗乃爾。

朱子於變風如懷感者。必欲爲其人之自作。則於理有難從。於正風如懷感者。亦欲爲其人之自作。則於實有難信。按春秋戰國婦人歌詩。體多平直。而文采不完。正風

如葛覃卷耳。芣苢。汝墳。草蟲。行露。殷其雷。標有梅。小星。江有汜。雖皆本乎自然。而體製可法。文采可觀。非文人學士。實有未能。而謂后妃以及士庶之妻。逮於女子。勝妾。無不能之。則予未敢信也。馮元成謂文人學士。借里巷男女爲言。文人學士。民之表也。覽其詩。而民風可具見也。卽此而觀。則其詞之有美者。如關雎。樛木。螽斯。鵲巢。采芣。采蘋。亦豈宮人衆妾家人之所能乎。變風。柏舟。諸篇。不待言矣。或謂風人之詩。皆周太師之徒潤色之。蓋視其體製文采。心亦有疑而強爲之說耳。

朱子云。凡詩之所謂風者。多出於里巷歌謠之作。所謂男

女相與詠歌各言其情者也。按春秋傳所錄歌謠及詩紀所編漢魏歌謠與詩體絕不相類。故國風皆詩人之詩。初未嘗有歌謠相雜也。朱子於國風必欲爲男女之自作。故多以爲里巷歌謠之詞耳。或曰若是則國風有不切於性情真之奈何。曰風人之詩主於美刺善惡本乎其人而性情係於作者。至其微婉敦厚優柔不迫全是作者之功。姪國泰謂好惡由衷而不能自己卽性情之真也。況如北門北風黍離兔爰緇衣出其東門園有桃陟岵十畝之間碩鼠杖杜蒹葭渭陽隰有萇楚匪風下泉鴟鵂九戩等篇亦多出於自作。又豈不切於性情之

真耶。

朱子說國風雖未得美刺之旨。而分章訓釋。簡淨明白。當是古今絕手。孔氏宗小序。雖於美刺有得。而章句離析。冗雜蕪穢。且比興處。往往穿鑿。真境實遠。朱子云。詩傳只得如此說。不容更着語。工夫却在讀者。又云。詩本只是恁地說話。一章言了。次章又從而歎詠之。雖別無義而意味深長。不可於名物上尋義理。後人往往見其言只如此平澹。只管添上義理。却窒塞了他。故國風當以孔氏朱子而參酌之。至於雅頌。則一以朱註爲主。

周南關雎。序說未甚顯明。孔氏演其義。以爲后妃思得淑

女以配君子。蓋以左右字訓佐助故耳。但以首二句爲
興。后妃則與下文不相連屬。朱子以爲宮中之人於太
姒始至而作。則既非宮人所能。而以求思友樂屬於宮
人。亦無情趣。按孔子曰。關雎樂而不淫。哀而不傷。詳味
此語。則求思友樂。主於文王。而其實則詩人之作也。舊
說多有可證。以下二十八則分論諸國之詩

關雎以荇菜爲言。蓋后妃以荇菜供祭祀也。前章言荇菜
在水。未有人采。故因之以求后妃。後章旣得后妃。則采
取而烹芼之矣。流是隨水泛流之意。朱註言順水之流
而取之。不但於前後不相體貼。且爲歇後語矣。其言左

右。或左或右。言無方也。得之。左右。芼之。承上而言。謂左右采而芼之也。

周南卷耳。乃詩人述后妃思念文王而作。首章我字屬后妃。下三章我字屬文王。蓋思文王登陟勞苦。冀其以酒自解。不至懷傷。末章又知其終不能解也。朱註謂后妃託言登山以望所懷之人而往從之。既甚牽強。而小序又言后妃念臣下之勤勞而作。迂遠益甚矣。後見楊用修說。正與予合。

關雎。述文王未得后妃而寤寐以求之。葛覃。述后妃既歸。文王而思父母。卷耳。則又因文王之出而思文王也。有

情趣有次第。首篇朱子以爲宮人思求后妃何耶。

周南漢廣云。南有喬木。不可休息。漢有游女。不可求思。休息爲韻。思乃語辭。故息爲思字之誤無疑。孔氏云。休息古本皆爾。或作休思。此以意改耳。愚按古書誤字實多。如新民作親民。索隱作素隱之類。然朱子有正有不正者。蓋重意而畧辭也。

召南野有死麕云。舒而脫脫兮。無感我帨兮。無使尫也吠。朱子云。此述女子拒之之詞。言姑徐徐而來。毋動我之帨。毋驚我之犬。以甚言其不能相及也。此意有未達。鄭

氏云。

漢鄭玄作箋。宗小序其義若隱。則表明之如有不同。則用已意。

貞女欲吉士以禮

來脫脫然舒也。今講義從之。然彼既有相竊之情。貞女尚肯許爲婚乎。詳味其詞。乃變風刺淫之詩。蓋錯簡耳。下篇何彼穠矣。言王姬爲平王之孫。則亦非召南之詩可知。文王之謚爲王。乃武王克商以後事。此詩卽平王果爲文王。然亦非文王在時詩也。

邶鄘衛三詩皆衛風也。朱子云。邶鄘地旣入衛。其詩皆爲衛事。而猶繫其故國之名。則不可曉。愚按衛風而繫故國之名。直是輯詩者紕繆。孔子因而不改耳。不必曲爲之說也。程子曰。諸侯擅相侵伐。衛首并邶鄘之地。故爲變風之首。且一國之詩而三其名。所以見其首亂也。果爾。則又春秋之法。非所以言詩矣。

小序說詩。凡國風詞如懷感者。爲詩人託其言以寄美刺。而於邶風綠衣。燕燕。日月。終風。泉水。鄘風柏舟。衛風竹竿。河廣諸詩。又以爲夫人衛女自作。予初亦信其說。蓋以其語意真切。而得於性情之正。故也。及考詩譜云。

作詩譜言諸國雅頌大畧

作者各有所傷。從其本國而異之。爲邶鄘

衛之詩焉。孔氏云。綠衣諸詩。述夫人衛女之事。而得分屬三國者。如此譜說。定是三國之人所作。非夫人衛女自作矣。女在他國。衛人得爲作詩者。蓋大夫聘問往來。見其思歸之狀。而爲之作歌也。唯載馳許穆夫人作。而得入鄘風者。蓋以于時國在鄘地。故使其詩屬鄘也。

孔氏語載馳許穆夫人作見左傳

愚按國風爲詩人之作於此尤爲可

證不知朱子於此更何解也。嘗以語姪國泰。國泰曰。試觀唐人宮詞。閨怨。亦豈宮閨之自作耶。此足以稱善悟。然載馳亦必鄘人作。而左氏語有未詳。如左氏鄭莊公以叔段故。寘其母姜氏于城潁。而誓之曰。不及黃泉。無相見也。旣而悔之。潁考叔曰。若闕地及泉。隧而相見。其誰曰不然。公從之。公入。而賦大隧之中。其樂也融融。姜出。而賦大隧之外。其樂也洩洩。予謂果如此說。則二人之詩。合爲一篇。有是理乎。大抵古人說詩。往往如此。後人不知。遂以其人自作耳。式微旄丘。亦爲邶人託黎臣。

之言而作。

變風微婉優柔者。惟邶風篇什最多。輯詩者以邶爲變風之首。其以是歟。此雖得風詩之體。不得輯詩之體也。見說

王風
論中

鄘風君子偕老云。玼兮玼兮。其之翟也。鬢髮如雲。不屑髢也。玉之瑱也。象之掇也。揚且之皙也。胡然而天也。胡然而帝也。朱註謂其服飾容貌之美。見者驚猶鬼神。殊不得風人旨趣。此章前七句。形容其服飾之麗。容貌之美。末二句。言如此淫亂之人。何爲而忽自尊嚴。如天如帝也。蓋淫亂之人。往往若此。首章前五句。泛言夫人之德。

語語莊重。下二章迥然不同矣。繼衿未詳。大約是以縹緇襯貼在內。微露其幅。蓋雖法度之服。亦必加豔飾耳。王風者。東遷以後平王之詩。風雅皆具也。朱子云。平王徙居東都。王室遂卑。與諸侯無異。故其詩不爲雅而爲風。又云。詩亡。謂黍離降爲國風。而雅亡也。或問朱子。朱子又云。鄭漁仲言。出於朝廷者爲雅。出於民俗者爲風。文武之時。周召之民作者。謂之周召之風。東遷之後。王畿之民作者。謂之王風。似乎大約是如此。不必說雅之降爲風也。觀此。則朱子復有疑於前說矣。愚按。凡詩有關乎君國大體者。爲雅。出於民間懷感者。爲風。王風黍離。

兔爰變雅也。采葛丘中有麻。變風也。揚之水中。谷有推。葛藟大車。或可爲風。或可爲雅。故謂王風本爲雅體者。固非。謂王風悉爲風體者。亦非也。姪國泰云。雅以正爲主。西周有正雅。而變雅係之。東周無正雅。故變雅總係之於風。況東遷以後。國體日卑。雅樂之官不立。雖有雅。將何所隸乎。已上國泰語若康王以後。幽王以前。亦有風體。而不立爲風者。因其有雅體。而遂附之云。朱子黍離降爲國風。本從舊說。而實有未通。孔子方作春秋。以尊王。寧肯降王爲風耶。

王風居邶鄘衛之後。不可曉。觀古今國風次第不一。則其

簡帙錯亂久矣。朱子闕而不論是也。歐陽公云。王處衛後而不次於二南。惡其近於正而不明也。此卽黍離降爲國風之說。不但以春秋之法言詩。抑且與春秋之義相背矣。鄭氏詩譜。王居幽後。蓋幽本不當與變風並列。而王亦不當與諸國相參。故姑附於國風之末。然必王居變風之前。幽附國風之後。始爲安妥。程子說諸國先後之義。頗爲穿鑿。

朱子說詩。惟鄭風淫奔自作者最多。考之小序正義。惟丰東門之墠。溱洧。爲刺淫耳。餘皆爲別事而作。其說雖有不類。要非淫奔者自作。而亦未必皆刺淫也。

鄭風將仲子云。將仲子兮。無踰我里。無折我樹杞。豈敢愛之。畏我父母。仲可懷也。父母之言。亦可畏也。小序以爲刺莊公弗聽祭仲之諫。以成叔段之禍。味其詞。不類。朱子以爲淫奔之作。又非。詳味之。乃詩人述淫女悔過。婉詞以絕其人耳。蓋美詩。非刺詩也。

鄭風叔于田云。叔于田。巷無居人。豈無居人。不如叔也。洵美且仁。朱子以爲國人愛段而作。非也。小序以爲刺莊公也。叔處于京。繕甲治兵。以出于田。國人說而歸之。或疑段以國君貴弟。受封大邑。有人民兵甲之衆。不得出居閭巷。下雜民伍。今味其詞。不類刺公。而實爲愛叔。則

叔非叔段可知。下篇實指叔段。故篇名大叔以別之。

左傳

云段謂之京城太叔其曰將叔無狃戒其傷女乃刺叔非愛叔也

此邪正之分不可以不辯。

鄭風女曰雞鳴前二章不過教其早起弋取鳬鴈以歸飲

酒相樂未嘗一言以及修身齊家之事然其聲氣之和

樂而不淫諷詠之久則查滓渾化粗鄙盡除正不必以

末章爲重也。

齊風還小序以爲刺荒也得之朱註謂獵者自相稱譽如

此則又不能無邪矣盧令則兎置之意也。

風人之詩最善感發人故孔子曰詩可以興如魏風陟岵

云云。朱子以爲孝子行役想像其父母念已之言是也。然不言已思父母。而但言父母念已。則已思父母之情何如。聞之者皆足以感發矣。孟武伯問孝。子曰。父母惟其疾之憂。正所以感發乎人子也。鄭氏孔氏以爲孝子行役思其父母教戒之言。似少情趣。

唐風蟋蟀。是詩人美唐俗之詩。山有樞。雖諷而未爲邪。孔子存之。益以見唐俗之美耳。漢人生年不滿百。及樂府西門行。語意實出於此。自是益起後世詞人曠達之風矣。

唐風揚之水。小序以爲刺昭公也。朱子云。序說不誤得之。

而集註又以爲國人將叛晉而作。非也。無衣。小序以爲美武公也。朱子云。此詩若非武公自作。則詩人所作而陰刺之耳。愚按。謂詩人之刺者。得之。此邪正之分。不可以不辯。

秦風諸篇已去西戎之習。而有中夏之聲。其蒹葭晨風渭

陽語尤微婉。按季札觀周樂歌秦。註謂歌所常用之曲曰。此之謂

夏聲。夫能夏則大。大之至也。其周之舊乎。故卽駟騶田

獵之詩。而末章聲氣亦甚悠閒也。小戎三章託從役者

家人思念之詞。每章前六句述車甲之盛。故其語森嚴

而矯峻。後四句敘思慕之情。故其語微婉而優柔。王元

美云。小戎失之太峻。以前六句言耳。

秦風蒹葭。朱子謂不知其所指。味其詞。必遁世絕俗之士。可望而不可卽者。然終篇無遁世絕俗語。此風人所以不可及歟。

秦風無衣云。豈曰無衣。與子同袍。王于興師。修我戈矛。與子同仇。朱子云。秦俗强悍。樂於戰鬥。故其人平居而相謂曰。豈以子之無衣。而與子同袍乎。蓋以王于興師。則將修我戈矛。而與子同仇也。信如此說。則爲秦人自言。是性情猶未爲正。鄭氏云。此責康公言。君豈曰汝無衣。我與汝共袍乎。而於王興師。則曰修我戈矛。與子同仇。

往伐之。其義雖通。但康公之世。國政民情。不應如此乖戾。詳味其詞。乃是詩人之詩。與齊風還同意。

變風之詩。多詩人託爲其言以寄刺。如陳風東門之枌。則直是詩人口語。或以末章爾我字爲嫌。是全不知文體。試觀株林。駕我乘馬。乘我乘駒。便可見矣。楚騷而下。此類甚多。不能悉舉。

陳風株林。刺靈公淫乎夏姬也。然終篇無淫字。夏姬字。與秦風蒹葭。俱見微婉之妙。

陳風澤陂云。有美一人。碩大且卷。又云。碩大且儼。知非淫奔之詩。而亦非刺淫也。

豳風首篇。周公陳豳國之風也。孔子以豳無所次。姑次於

國風之末。

季札觀樂時豳在齊之後

但因其舊而以周公之詩附之。

而後人遂以變風稱焉。則謬甚矣。蓋二南文王之化既

爲正風。而豳乃后稷公劉風化所由。出於文王千有餘

年之上。爲變風可乎。文中子謂成王終疑周公。故爲變

風。果爾。則又不當繫之豳矣。或又謂詩體宏贍。類雅當

係之於大雅。是又不然。大雅乃王政之大體。后稷公劉

之事。生民公劉二篇。既詳詠之矣。此篇實道民俗之風

自當爲風。但其詩作於周公。故其體自不同耳。未可係

之雅也。鴟鴞以下六篇。當係於變小雅之前。

豳風首篇。乃周公陳后稷公劉風化所由。雖豳地之風。實以寫當時情景耳。周公豈能知千有餘年已上之事乎。乃知經生以言筌說詩。斷不可也。

小雅

大雅

體各

不同

大序

舊作子夏序或疑出漢儒

謂政

有

小大

故有

小雅

焉有

大雅

焉舊

說鹿

鳴至

菁莪

二十

二篇

為

正小

雅

文王

至卷

阿十

八篇

為

正大

雅

六月

至何

草不

黃五

十八

篇為

變小

雅

民勞

至召

旻十

三篇

為

變大

雅

朱子

云

正小

雅

燕饗

之樂

也

正大

雅

會朝

之樂

受

釐

陳

戒之

辭也

劉氏曰或歌於會朝之時如文王大明等篇或陳

於祭祀之後如生民行葦等篇或陳於進戒之際

如公劉卷

何等篇

故或歡欣和說以盡羣下之情或恭敬齋莊

以發先王之德詞氣不同音節亦異多周公制作時所

定也

已上朱子註

馮元成云大雅正經所言受命配天繼代

守成而

小雅正經治內則惟燕勞羣臣朋友治外則惟

命將出征

故小雅為諸侯之樂

謂用之於諸侯

大雅為天子之

樂也

已上元成語

及其變也

大雅多憂閔而規刺小雅多哀

傷而怨誹

淮南王云小雅怨誹而不亂

朱子謂皆賢人君子閔時病

俗之所為是也

以下十六則論雅頌之詩

小雅天雅之辯前賢既詳論之矣槩以二雅正變之體言

之正雅坦蕩整秩而語皆顯明變雅迂廻參錯而語多

深奧是固治亂之不同抑亦文運之一變也或謂取小

雅之音。歌其政之變者。爲變小雅。取大雅之音。歌其政之變者。爲變大雅。則吾不得而知矣。

小序正義以小雅鹿鳴諸篇爲文武時詩。愚按周公制作禮樂。實在成王之世。謂諸篇爲武王時詩。且未必然。若以爲文王時詩。則愈謬矣。文王三分天下有其二。以服事殷。豈文王時已用天子禮樂耶。

小雅大東言天漢織女牽牛啓明長庚天畢南箕北斗於雅詩中爲最奇。離騷詭異之端。實本於此。然語益瑰瑋矣。

小雅之變有楚茨信南山甫田大田瞻彼洛矣裳裳者華。

桑扈鴛鴦頌舟車牽魚藻采菽隰桑瓠葉等篇小序正義多以爲傷今思古之詩味其詞不類朱子以爲正雅之篇有錯簡者得之

詩有風而類雅者如定之方中淇奥園有桃等篇是也蓋有關於君國之大者也有雅而類風者如祈父黃鳥我行其野等篇是也蓋皆出於羈旅之私者也

風東山等篇本雅詩也小雅谷風采芣苢之華等篇本風詩也

若王風黍離鬼爰幽

大雅推原王業以戒後人故其篇長大而布置聯絡有次序可尋有枝葉可摘尚可學也頌則形容盛德以告神明故其篇簡短而詠歎渾淪無端倪可指無首尾可窺

更不易摹倣耳。李獻吉禋社辟雍觀牲三詩。宜頌而爲雅者。正以不易摹倣故也。

大雅首數篇。最爲嚴整。至皇矣生民公劉。則始爲宏肆。漸入淋漓。乃是作者才氣不同。非有意創別也。後人於此。殆難彷彿。

雅頌篇什次第。多不可曉。孔氏之說。頗爲穿鑿。若大雅文王。大明緜三篇。則有深義。文王專美文王之德。周之受命。始於文王也。大明追述王季。大任。文王。大姒之德。以及武王克商之事。緜又追述大王大姜。遷岐而及於文王之受命。蓋由父以及祖。而剪商之跡。實始於大王也。

言以辨骨
故以此爲天子諸侯會朝之樂云。

大雅文王云。周雖舊邦。其命維新。大明云。天監在下。有命
既集。皆言天命歸周之意。故皇矣於大王。已言受命既
固矣。史記云。詩人道西伯。蓋受命之年稱王。而斷虞芮
之訟。謬甚。按考要云。文王之得謚。大王王季之追王。皆
武王克商以後事。是也。孔氏不知。故於**大雅**棫樸靈臺
稱王。以爲文王時作。而於**小雅**諸篇稱王稱天子者。亦
以爲文王時作。謬愈甚矣。胡氏云。文王三分天下有其
二。特以文王之聖。道化所及。極其形容之廣云爾。豈謂
天下三分有二之版圖。誠歸之於周哉。觀此。則受命稱

王之說不待辯而明矣。

小雅賓之初筵。小序以爲幽王荒廢。媒近小人。飲酒無度。衛武公旣入而作是詩。**大雅**抑之篇。小序以爲衛武公刺厲王。亦以自警也。而朱子俱以爲武公自警之作。果爾。則諸侯之詩。必不入之**雅**矣。或疑武公厲王。本不同時。則抑詩亦當爲刺幽王而作。然詳味其詞。乃衛武公自警。實以諷王也。

大雅崧高。烝民。韓奕。小序皆以爲尹吉甫美宣王也。然崧高烝民詩。已明言吉甫爲申伯仲山甫而作。其所以得列於**雅**者。朱子云。崧高尹吉甫送申伯之詩。因可以見

宣王中興之業耳。其說是也。然註獨無此意。何耶。

變風變雅雖竝主諷刺。而詞有不同。**變雅**自宣王之詩而外。懇切者十之九。微婉者十之一。**變風**則語語微婉矣。黃常明云。譎諫而不斥者。惟**風**爲然。如**雅**云。憂心慘慘。念國之爲虐。彼童而角。實虹小子。匪面命之言。提其耳。亂匪降自天。生自婦人。忠臣義士。欲正君定國。惟恐所陳不激切。豈盡優柔婉媚乎。

周頌多不叶韻。未詳其故。朱子云。**周頌**多不叶韻。疑自有和底篇相叶。清廟之瑟。朱弦而疏越。一倡而三歎。歎卽和聲也。未知是否。又**補傳**云。商周二頌皆以告神而魯

頌用以頌禱。後世文人獻頌效魯。崔文敏云：周頌秦諸
廟魯頌。秦諸朝周祀先魯禱君。周以祭魯以燕。故謂魯
頌爲變頌可也。愚按魯頌駟有駢泮水。體類小雅闕宮。
體類大雅而語則兼頌。商頌那烈祖玄鳥。體實爲頌。長
發殷武。體類大雅。

頌者美盛德之形容。清廟言肅雝顯相。濟濟多士。秉文之
德。此言文王道化之廣。最善形容者也。下維天之命。於
穆不已。於乎不顯。文王之德之純。則文王之德四語盡
之矣。

周頌臣工。小序以爲諸侯助祭。遣于廟也。噫嘻。小序以爲

春夏祈穀于上帝也。味其詞實皆不類。而朱子俱以爲戒農官之詩。則又無關於頌。疑別有說耳。孔氏曰。頌雖告神爲主。但天下太平。歌頌君德。亦有非祭祀者。不必皆是告神明也。此說姑存以備考。

古今文章。引詩者十之九。而易書與禮不能一二。蓋詩能興起後學。故自童稚靡不習之。秦漢而下。詩教日微。故引之者亦少耳。程子曰。古人之詩。如今之歌曲。雖閭里童稚。皆習聞之。而知其說。故能興起。今雖老師宿儒。尚不能曉其義。况學者乎。

以下六則總論三百篇之詩

孔子曰。不學詩。無以言。又曰。誦詩三百。使於四方。不能專

對雖多亦奚以爲。愚按春秋列國大夫饗燕輒能賦詩。故其辭命從容委婉而無亢激之患。專對之言詎不信然。

孟子曰王者之迹熄而詩亡。詩亡然後春秋作。朱子云迹熄謂平王東遷而政教號令不及於天下也。詩亡謂黍離降爲國風而雅亡也。愚按天子有采詩之政諸侯有貢詩之典東遷而後不復有此舉矣。故詩亡之說當兼風雅而言。蓋謂東遷之後風雅美刺之詩旣亡而春秋褒貶之書始作也。呂成公言指筆削春秋之時非謂春秋之所始意謂東遷而後變風尚多未可遽言風亡不

知采詩之政不行。則列國之風雖存而實亡耳。况諸國之詩。刺淫者爲多。亦有直刺其君上者。又豈諸侯采之

以貢乎。疑當時諸國互相采錄。孔子總取而刪輯之耳。

王應麟詩考。自序漢言詩者四家。毛魯齊韓今惟毛傳大毛公作詁訓

鄭箋見前孤行。韓厘存外傳。燕人而魯齊詩亡久矣魯人申培

齊人按隋書經籍志。齊詩魏代已亡。魯詩亡於西晉。應

麟采錄傳記。引韓魯齊三家之說。惟韓稍多。魯僅二百

二十六言。齊五十九言而已。近刻漢魏叢書。中有申公

詩說。蓋好事者所爲。不足辯也。

按三百篇古訓。經秦火之後。漢初諸儒說詩。及傳記所引

韓魯齊三家之說多迂遠不類惟小序最後出而多有可宗自是三家之說浸微葉氏曰六經始出諸儒講習未精且未有他書以證其是非故雜僞之說可入歷時既久諸儒議論既精而又古人簡書時出於山崖屋壁之間可以爲證而學者遂得卽之以考同異而長短精粗見矣長者出而短者廢自然之理也

已上葉氏語

或曰毛

公非韓魯齊同時耶曰後漢儒林傳言衛宏作毛詩序朱子以爲宏特增廣而潤色之故或以序之首句爲毛公所分而其下推說云云爲後人所益李氏亦曰以詩序考之文詞殺亂非出一人之手實出漢之諸儒也則

小序參雜諸儒之說明矣。但漢儒迂謬終不免於牽合。逮於宋儒歷時益久。講習益精。其說始爲安妥。惟朱註以國風詞如懷感者爲其人之自作。則實有難從耳。今一以朱註爲定說者。旣不得詩之宗旨。其信古者一以小序爲宗。則亦失之迂矣。

古今風氣不同。其音韻亦自應不同。然三百篇楚辭及經傳韻語。或用古音。或用方音。或字有訛誤。故讀之多有不諧。後人不得不協。趙凡夫謂古詩歌音韻不諧者。皆是古音。宋人失讀。謬作協韻。乃遍搜古詩歌及經傳韻語不諧者。定爲古音。以教後學。予謂苟如此。則混亂極

矣。蓋古詩古音。理宜有之。然實無所考據。故不得不協之以合今韻。今乃并其方音訛字而定爲古音。謬愈甚矣。且古韻實寬。如七陽與庚青同用一先與真文同用之類。較漢魏韻更廣。漢魏韻說見漢魏論中。故凡音韻稍近者。皆不必協。協之恐反失真耳。惟平仄不諧上去不合者。協之可也。至有必不可協者。姑闕之。
如國風夙夜必偕大雅在帝左右之類